


OMUKWETU

Registered at the General Post Office as a Newspaper





NASHI ENDE NONDJILA YINI?

Konyala omumvo kehe Epangelongerki lyongerki yaElok, pomimvo ndhi ka lya li li na okushunitha eindilo lyegongalo lyontumba omolwomukwanegongalo gumwe a kondwa ombaadhilila, ihe lya olya nyengwa okuzimina shono she mu konditha. Ekondo lyombaadhilila halyo epulo mpaka, ihe shono shi li epulo: omiinima yini po omuntu e na okukondwa ombaadhilila nuunake?

Elelo lyegongalo oli li komapepe gegongalo lya lyene ndyoka tali yakulwa esiku kehe kelegongalo lya lya, ndyoka lye li hogolola meinekele, opo li kundathane lya li ninge amatokolo, ombili yegongalo yo yi popilwe nehungomwenyo mooitaali li monike. Ekondo onkatu yimwe yomomageeloputudho ogendji ngoka ge na okulongithwa kelegongalo, sho pwa kambadhalwa tango noodjila dhimwe. Oshitokolitho shomauthompango 72, b, osha popiwa wo onkatu dhimwe dhi nukwe po ngele nani sha talwa osho tashi eta ombili megongalo.

Ekondo itali taambwa kEpangelongerki nge tali vuka momagongalo, shika oshi shi okwiipulitha ongerki, kutya oya gandja tuu omuthika gwe-manguluko lyoondunge nolyomadhi-ladhilo kiilyo yayo? Aakuluntu yomagongalo oyu uvite ko tuu oshilonga shawo noya manguluka ku shi longa mohole nomoshili, nuuna omusita ina tsa kumwe nayo?

Oongerki dhilwe ihadhi longitha ekondo, omoluumbanda, kutya taa tseye tuu shili onkatu uuna omuntu e na okukondwa? Hes.34:4, oshoka ngele hasho, Mwene gwoonzi ota popile ongerki ye Hes.34:10. Oongerki yetu pamwe oya adha wo oshikako shika shokwaali longitha, ihe omolwaashoka lya puka? Aawe ndishi! Egeelo lya lyene edhigu neyapuki lya pewa ongerki yi li longithe Mat.16:19, oshoka mulyo ngashi omumbisofi Dr. L. Auula a tumbulile moshigongi shimwe shaasita yongerki kutya: "oshi-lyo shoka osha tetwa ko kolutu lwaso, nonge itashi kwathwa, otashi olo."

Oshinima nashi ende nondjila yini sho shi li po oshidhigu ngeyi? Eya-mukulo olya tegelelwa moshigongi-ongerki shopaulumompumbwe omasiku ngaka mOngwediva, ihe shono sha yela; aana yevangeli oyo itaa ende muumbanda wompango, ihe aana yokohi yompango oyo tuu.

Te ti, Ehangano niinima yalyo iwanawa, otali leshwa kulye ano sho inoo mbesitela natango, endelela ano u shi ninge!

Oontokolwa dhEpangelongerki

1. Sho pwa dhambululwa ompumbwe yaasita moshitayingerki shaKavango, Epangelongerki lya koleke edhiladhilo lyokangundu kiinima yaKavango, kutya Reinhold Muremi kaa tumwe manga kokule, ihe aasitalongwa ayehe yaali mboka yomoshitayingerki shaKavango ya ka tameke manga ayehe iilonga yuusita moshitayingerki shawo, nokuyakula wo oshilonga shomaagundjuka.

2. Ompumbwe yomuuvithi gwevangeli miilyo yOongerki yetu momina yokuKlein-Aub sho ya dhambululwa, Epangelongerki lya uutha Simon Hangula, Eenhana, a ka yakule kuKlein-Aub. Ihe a ye ngaashi naanaa omukondrak, onkee aanegumbo lye otaa kala mOwambo.

3. Omwevangelistelongo Lineekela Shidute ngoka ta ka pita nuumvo kOjtjimbingwe, Epangelongerki lya uutha a ka yakule iilyo yOongerki yetu kuKlein-Windhoek, peha lyomwevangeli Mika Kaijamo, ngoka ta ka tembukila kUutjo peha lya S. Shivolo ngoka ta ka galukila kOwambo petameko lyomumvo nguka.

4. Gottlieb Many ngoka ta ka pita wo nuumvo kOjtjimbingwe pamwe na L. Shidute a uuthwa a ka yakule manga omumvo gumwe kokamina Matschlessmine a ye tango ngashi omukondrak, aanegumbo lye ya kale mOwambo.

ONGERKI

Oongerki oya za kashitya shoshigreka kuriakos tashi ti "shOmuwa" nenge shoka shOmuwa. Mpaka otapu dhilwadhilwa egumbo. MEtestamendi Epe omu na ekklesia tashi ti oshigongi shi ithanwa shi gongale lil.19:32,40 melundululo lyEtestamendi Ekulu lyoshigreka otashi longithwa egongalo lyoshigwana shIsraei, ihe mEtestamendi Epe otashi longithwa mokuholola ongerki onkwakriste, egongalo lyaKalunga.

Omuwa Jesus sho a holoka mAayuda, osha fa ya li kwaa ye mu taambe, ihe nani hasho. Oshigwana osha etha Jesus onke okwa gama kaalongwa Ye. Omuwa nokwa toto ehanganano epe, ongundu yaamboka taye mu hempulula, ongerki yehanganano epe, yakankamekwa kehempululo kutya Jesus Kristus Omuna gwaKalunga omunamwenyo, ngoka e nuuthemba wokuwikula eeshapi dhoshilongo shomegulu, Mat.16:13-. Petameko Aajuuda ayeke ya li ooyene yotshiindingili, ihe pokuza kedhipago lyaStefanus iinima ya lunguluka. Oongerki onkwakriste oyi ithikamene. Oongerki yi itaandelitha nokulonga oshilonga shetumo. Kashona na kashona omagongalo ga holoka ogendji gi ikalela Gal.1.2 Ihe ongerki oyo ngaa yimwe.

Oongerki oyo oshigongi shoitaali, oyo olutu lwaKristus. Kristus oye omutse gwayo 1Kor.12:12. Oongerki oya totwa komakanda ga koleke.

1. **Aayapostoli** oyo ya li aatumwa yajesus mwene. Oya li 12 ndele gumwe okwa yiwa naye kusatana, ihe yakwawo ya dhiginine sigo ye shi fulula ko. Oyo aawiliki yongerki petameko mokati komaudhigu.

2. **Aapropeti** oya li aahuvithi ya tempwa kOmpepo Ondjapuki. Aantu haa uvitha tagu pumo. Aatoloki yoohapu dhaKalunga. Otaa hololele aantu ehala lyaKalunga. Mongundu ndjika omwa li wo oonekulu lil.21:9.

3. **Aavaangeli** oya li aahumbati yelaka lyenyanyu evangeli. Oyo aataandelithi yevangeli pamwe naayapostoli. Aavangeli yamwe oya li wo Aadiakoni lil.21:8.

4. **Aakuluntu yegongalo** oya li eembwale mongerki dhokuutha egongalo petameko mpeyaka. Uukuluntu owa tundwa sigo omegulu Ehol.4:4.

5. **Aadiakoni** ongundu ndjika yokusila aakulupe noohepele oshimpwiyu oya li yomakanda noonekulu wo.

6. **Aasita naalongi yoohapu** oyo aayakuli

mongerki. Oongerki yopetameko oya landulwa kongerki yopokati. Aambisofi sho ya holoka oontamanana dha holoka sigo ongerki ya topoka ongerki yokuuzilo ya tatekulu nongerki yokuuninginino ya tate.

Oongerki yokuuzilo ya fa inayi za iimpaga oyindji ndee yokuuningino oya topoka noongerki odhindji dhi ili nodhi ili.

Nando muuyuni mu na oongerki odhindji, ongerki yaKristus yimwe ayihe kondje yuuyuni. Nena oongerki adhihe otadhi kondjo dhi ye ishewe kumwe opo dhi hangane mekwatathano ndyoka lyomutse gwongerki opo ongerki yi kale shili omuhempululi gwaKristus kondje yuuyuni. Omuntu kehe oshilyo mongerki yajesus.

Mongerki otatu yakulwa palutu nopa mwenyo.

Aayamba - Aawambo nAambwenge - Aawango, otwa pewa omagano omanene sho tu na ongerki yetu yene nokuli. Kalunga okwa hala tu taandelithe ongerki ndjika yi thike akuhe aantu ya mone ehupitho lyaKalunga opo pu totiwe ishewe omagongalo gamwe.

Endhindhiliko lyongerki yashili oloyo:

- a) Evangeli tali uvithwa lyu uka.
- b) Omasakramendi taga topolwa pavangeli.
- c) Omageelongerki taga longithwa.

Mbika ngele otayi longithwa nena ongerki otayi longo pahalo lyaKalunga. Oongerki oya yooloka kiimpaga moka mwa na elandulathano lyasha. Iilyo yongerki oyi na okukala tayi adhimitha, mwene gwayo nepapudhuko lyolela kehe ethimbo.

Mongerki omu na euvitho lyoohapu dha Kalunga nomagalikano nomahambeleo nomaimbilo. Omu na iiniwe tayi zi moongalo nomomagano.

Aayakuli yongerki ngele otaa dhiginine iilonga yawo nokusila iilyo ayihe oshimpwiyu nena ongerki tayi kolo nonando yi nokukala muudhigu muuyuni nomesilu ndika lyoluhodhi. Oyo otayi tegelele Kristus Omuwa ngoka te ya mbala e yi fale meadhimo lyaaluhe moka omufuko gwOnzigona ta ka ligola aluhe sigo aluhe.

J. Amakutuwa
Ongwediva eti-7 lyaTalaleshimbika 1970

Natango tuu to dimbulukifwa okulishangifa oshifo shEhangano, mOwambo 15c ile 20c MOushimba

OMUKANKA GWEITAALO

Jesus uyelele wuuyuni
Luk. 11:29-32.

Omukanka gweitaalo ogwo oshinima shi na oombinga oonene dhi thi-ke pamwe mbali. Ombinga yeitaalo inaali kwatathana naJesus, nonkwa-wo eitaalo lya kwatathana naye. Oshili yoshinima shika oyo ndjika kutya eitaalo itali kala lyoshili ngele kape na eitedhululo, lyo eitedhululo itali kala lyashili ngele inali za meitaalo.

Eitaalo lyopamandhindhiliko: Aantu o-taa pula omandhindhiliko, opo yi itaale Jesus Mat. 16:1-4. Eitaalo tali landa. Zako komushigakano tse tu ku itaale. "Tu ulukila endhindhiliko lyomegulu." Mbuka owo uufarisayi, ihe ngoye kotoka kuu dhipage Jesus ngashi aafarisayi ya li ye shi ningi. Yamwe taa pula ombululu mpoka pwa pitila Jesus sho a yi megulu, opo ya vule okwiitaala.

Koneka Jesus ina hala okutula aantu me-puko, e yu ulukile endhindhiliko, okwe ya thigi po ashike nokwa yi nkoka a pumbiwa. Jesus ote tu thigi po a ye nkoka a pumbiwa.

Manga wa tegelela omandhindhiliko noto kala momaluhondelo nomuunkolwe, Jesus ota yi kaapagani. Oongalo ndhoka to gandja odho ehokololo Jesus ta yi kaapagani. Mompya getumo aantu otaa taamba Kristus. **Omukanka gweitaalo lya puka:** Osha monika wo nomehistoli lyOmbimbeli aantu ye na eitaalo lyopandjokonona. Omukwaniilwa Agrippa oye gumwe muSamaria, kwa li neitaalo lya kankamekwa maaprofeti lil. 26:27, onke Kristus ka li a mona ompito momutima gwe.

Yamwe oye na eitaalo mokudhika po e-gongalo, mokukala ethimbo ele muukriste, mokushashwa kuNima, mokwaana ongunga yasha megongalo, ihe eitaalo lyashili kali po tali hupitha. Oyi itaala ngashi satana jak. 2:19.

Ou na okugandja iigandjwa yoye, okukala melongelokalunga esiku kehe, oshoka osho oshinakugwanithwa shomukriste kehe, ihe ngele to pulwa ngele owi itaala, ino ulika okasiigeli koye kegongalo. Ihe u na okugandja evangeli li taandeke.

OKWA LI NDE MU YEMATELA

Modula 1951-1952, omo nda li nda-nyematela tatekulu Erikki Hynönen, eshi ta kondjifa oikolwifa fimbo a li mEngela. Paife eshi ondi udite enyeme shili nohandi yandje ombili komushamane Hynönen lwomafele mahapu nokuli. Onda lila nokumona ovanhu va dimbwa filu okushikula ondjila yomwenyo, va kalele ashike ondjila yomahalasha. Pomaladifilo ovanhu ovatilyaneka omesho. Tatekulu Hynönen ohandi mu halele ekondjo linene li dule olo e li ninga 1952.

Efiku lOmwenene ngenge ta luuya pamwe hatu ka hangika twa fa oukadona vatano vashima. Omwenyo waalushe ohatu u mono nekondjo li fike peni?

Leevi Ndemufajo, Olupandu

Eitaalo lyokathimbo: Eitaalo ndika olya fa ongala ya nyanyukwa othinge, ihe okwe-nye otayi ganya mbala. Olyo iilya ya kunwa moongwena Luk. 8:13. Eitaalo ndika tali nyengwa okuthikamena omaudhigu nge taga holoka. litala pethimbo lyepapudhuko, sho wa li wa akuka iinima yoye, ihe wa shuna ishewe muyo. Sho wa li wa papudhulwa keuvitho lyontumba nowa kwatwa kehawo, ihe lya dhimi. Ano itali ku dhigininitha Jesus, oshoka inali ya muule wevalululo. Ino ikaleka meitaalo lya tya ngeyi, oshoka ku shi shi Kalunga ote ku ile po unake, pamwe manga wa shuna ngaa-ka monima.

Eitaalo tali hupitha: Otali zimine edhimopo lyoondjo, otali tu fala meitedhululo lyashili keuvitho kehe, ngashi Aaninive ya ningi notatu zi ko kiipundi yuulunde, kiipundi yomanyanyu guuyuni, kiipundi yokwiitaala Jesus pamandhindhiliko, otatu zi ko kiipundi yokudhina edhimopo lyoondjo mombinzi yaKristus.

Otatu zi kiipundi yomasimano, kiipundi yeopalo lyopayuni, nosho wo kiipundi yuumbudhi nuundjanga. Atuhe aawa naathigona, aayamba naatokele, otatu zala omahahi momutoko, nokwiindila edhiminopo lyomu-Kristus alike. Opo mpaka tatu aadha omukanka gweitaalo lyashili.

litaala Omuwa Jesus u hupithwe. Oye uyelele wuuyuni, dhamatela kuye, oshoka okwa nyolwa: "Oshoka osho Kalunga a kala e hole uuyuni, oye a gandja Epona lye, opo shaangoka e mu itaala kaa kane, ihe a mone omwenyo gwaaluhe. Joh. 3:16.

Junias V. Kaapanda

EEDULA 50

Momudo ou wehabelele leedula 100, evangeli li li mOwambo, nda kala nokudana oivilo ivali, shimwe oshefelemudo shetumo, shimwe oshokukalamwenyo kwange kombada yedu. Meme natate ova ti, onda dalwa 1920, efiku inave li shiiva. Ova ti olwopOkrismesa ngaa opo.

Onda hala oku mu kunda needula 50, opo tu hafeleni okukalamwenyo ku fike opo. Ohai dimbulukwa vakwetu vepupi lange vamwe kave po mounyuni, ndele ame oko ndi li konghenda yaKalunga inene. Itai dulu okumwena itai hambelele nokanya ka kula kutya: "Kalunga na hambelele molouwa ou e u ningila nge."

Nonge ndi na ko natango oumudo vamwe nda hala oku mu hambelele ile nge di li pokupwa ko, Kalunga na hambelele. POkrismesa hai ka kala ndi na ehafo leedula etata loukulupe. Ookaume mOwambo nokOushimba nokuSoomi, kundweni.

Ofe neumbo letu hatu pumbwa omaitkaneno ovayapuki, opo tu kolekwe meitavelo laJesus notu teeiele euyo laye nombili.

Paulus Andreas Kongo

OMAKUNDO GAKRISMESA

"Oshoka otse twa valelwa okanona, twa pewa omumati. Nelelo te li pewa okuli na komapepe ge. Nedhina lye tali lukwa—**Omukumithi-Mupukululi, Kalunga ofule, He gwaaluhe, Omuwa Omunambili.**"

Okwa lukwa Omukumithi, omumvo, gwa zi ko otagu shi holola nawa, oshoka ogwa li omumvo gweligolo molwiikumitha mbyoka ya longwa mevi lyAawambo. **Omupukululi**— Okwe tu pe Ombimbeli yohapu dhe ndjoka tayi tu pukuluwa, opo twaa kale we aaposi. **Kalunga ofule**— Uufule we nkene a sindi iilongo naakwaniilwa aanankondo, nonkene kwa sindi wo omwenyo gwandje. Kuume, wa dhimbulula tuu osindano ye mungoye?

He gwaaluhe— Uuhe mboka wo opalela ndje, oshoka okuye tandi yi, opuye ndi li aluhe noondjo dhandje noompumbwe dhandje, uuyehame wandje okuye tandi u fala, puye ondu uvite uvalwa shili. **Omuwa Omunambili**— Oye omukwaniilwa gwaakwaniilwa, ayehe, Omuwa gwaawa ayehe. Oye ta tsilwa oongolo kaanentutu ayehe, ihe Oye **Omunambili**— oshoka sho twa vulwa opuye tu na ombili ya shili, muye twa vululukwa nombili, tatu tegelele eholoko lye nombili.

Ye mwene ta ti: "Oshoka ongame omunambili, nomomotima ondi ishonopeke, notamu imonene oomwenyo dheni evululuko!"

Rakel Heita

Ame onda fikile nawa

Ovavenduka itai dimbwa nande eyakulo leni, nolupandu lange ohai li yandje kwaau ha tale aische nomunashili. Ovanashilonga mepya laKalunga moshiwana shaVenduka, ovafita novaevangeliste, omwa yakulile nge nohole ihapu. Mwa tala nge naanaa ongomunashilonga mukweni, moyoongalele yeni mwa ifana nge ndi kale mo yo, mwa tekula omwenyo wange nomwa hekeleka omhepo yange. Hano Kalunga tate yetu ne mu pe eenghono nouwa fiyo moukwaa-lushe.

Ame onda fika nawa keumbo, meme nounona onde va hanga ve li nawa unene. Otava pandula unene pamwe naame keyakulo leni mwe li ningila nge.

Omukweni mOmwenene,
Ev. Paulus Hamukwaya,
Engela



Paulus Andreas

ONGWEDIVA YA NINGI YA ANGWEDIVA

MOMUKWETU gumwe gwomumvo gwa yi omwa li epulo kutya; ONGWEDIVA OTAYI NINGI YALYE? Epulo ndika lya mono nokuli eyamukulo lyalyo: "Nyanga nando funda okwena okwa Nyenti" Aandongana Auninginino oya li ya hala Ongwediva, ihe egongalo lyOngwediva noshitayi shUukwanyama osha kondjele Ongwediva yi kale yaangwediva yi li mUukwanyama.

Numvo otatu pandula Kalunga sho a pititha nawa iigongi ayihe yomumvo gweligolo. Kombinga wo yaanona mbaka yaELOK, aagundjuka oshi shi okutumbulwa nehambelero enene shili sho nayö wo oye mu pe esimano mwaambika Omuwa e tu ningila, Omuwa gwetu a simana.

Shika sha holoka mondjimbohambelero: "Yaloo Omuwa Jesus owe tu kulila muulunde meso" nenge mohole tayi thiminike meni "omukulilwa gwaKalunga oku li peni" Omumvo nguka gwetu uvithile shili nawa kutya: ETEGAMENO LYIIGWANA OKRISTUS. Mpaka tapu landula shoka sha gongelwa kaagundjuka kOngwediva. Egongalo kehe olya tegelelwa li ete R100.00 Negongalo ndyoka lya hala okusindana li ete R150.00 Mpaka otatu ka dhimbulula omagongalo ga tsakanitha efaneko, ngoka wo ga sindana nenge ge na ongunga tashi ti otali tegelelwa li tsakanithe.

1. Uukwanyama

EGONGALO	
Ongwediva	310.00
Ohalushu	186.55
Ongenga	172.00
Engela	146.00
Olupandu	118.00
Edundja	114.00
Ondobe	114.00
Onhelelwa	112.00
Endola	105.00
Okalongo	104.00
Okatope	100.00
Kongo	100.00
Eenhana	25.35
Onangolo	7.00
Sumina yoshitayingerki	112.00
Aanandjokwe ya kwatha	3.44
Omalweendo omandhindhiliko	107.30
Omundaungilo	00.00
Ya gongela Kumwe =	R1935.64.

2. UUNINGININO.

Okahao	157.20
Oniimwandi	115.00
Elim	101.00
Tsandi	101.00
Onangalo	101.00
Nakayale	100.00
Ompundja	100.00
Etilyasa	72.00
Onawa	72.00
Elondo	69.00
Shangalala	51.00
Onesi	37.00
Othika	33.40
Ogongo	62.50
Onaanda	32.00
Etundamindamba	30.00
Uutsathima	5.00
Onandjokwe ya kwatha	3.00
Osuminashitayi	46.38
Omalweendo nomathiminiko	85.20
Ya gongelwa kumwe =	R1373.68

SHOKA LYA NINGI

nongombe lya sindana nepandulo.	
nongombe " "	
nongombe " "	
lya tsakanitha.	
" " "	
" " "	
" " "	
" " "	
" " "	
ongunga	R 74.65.
ongunga	83.00
lya tsakanitha.	
ongunga	R100.00
oongunga kumwe -	R257.65.
	357.65

lya sindana nepandulo	
" "	
" "	
" "	
" "	
" "	
" "	
ongunga	R27.00
ongunga	28.00
ongunga	31.00
epyatumo onke oya sindana	
ongunga	62.70
ongunga	66.60
ongunga	37.50
ongunga	69.00
epyatumo tali talwa lya sindana,	
" " "	
Oongunga kumwe	R321.80

Oshoongalele shovanyasha keshe meongalo keshe, nashi lilandele oifo ivali ile ine yOmukwetu nEhangano.

3. ONDONGA

Eheke	R 166.00	lya sindana nepandulo.	
Onayena	163.60	” ” ”	
Oshitayi	150.00	lya sindana.	
Oniipa	103.00	lya tsakanitha	
Onyaanya	101.00	lya tsakanitha	
Omuntele	100.00	” ”	
Oshigambo	100.00	” ”	
Ontananga	37.50	ongunga	R 62.50
Okaku	30.00	ongunga	70.00
Oshaango	3.80	ongunga	96.18
Olukonda	00	ongunga	100.00
Okankolo	00	ongunga	100.00
Onandjokwe ya kwatha	3.44		
Omalweendo nomandhindhiliko	67.50		
Ya gongelwa kumwe	<u>R1025.84</u>	oongunga kumwe	<u>R428.68</u>

4. KAVANGO

Nkurenkuru	R 30.00	ongunga	R70.00
Rupara	20.00	ongunga	80.00
Mupini	20.00	ongunga	80.00
Mpungu	20.00	ongunga	80.00
Omalweendo nomandhindhiliko	25.00		
Aanandjokwe ya kwatha	3.44		
Ya gongelwa kumwe	<u>R 118.44</u>	oongunga kumwe	<u>R310.00</u>

4. YALWE

Oshakati	R 309.50	ya sindana nepandulo	
Onandjokwe	131.15	ya tsakanitha	
Oseminari Ongwediva	25.00	ya sindana oshoka aanasikola	
Oseminari Okahao	6.60	ya tsakanitha ” ”	
Aavenduka ya tumu	16.00		
Aagundjuka Aashaanda	18.00		
Aamati taa longo pokati kaTsumeb nOshaanda	7.30, taa longo ondjila		
Kumwe	<u>R513.55</u>		
Ongaloshigongi	87.72		
	<u>R601.27</u>		

TU SHI LIKWAFENI

Eshi nda lesha Ehangano No.5.1970, omu na oshinyolwa tashi popi oukwamona. **Oku-diinina emona leumbo.** Onda hafa unene moku shi lesha nosha ninga oshinima shomemona iange. Osha fikifa omadiadilo ange kepulo eli:

Mbela itashi dulika nande nenge ova-nyasha tava ningi oshivilo shehombolo lavo, opo vaha hepife emona lavo va ningile meumbo limwe olo la ama kongerki nenge olomulumenhu, ile lomukainhu, opo kuha ningwe oivilo ivali, lo nemona itali hepa vali unene? Ovanashilonga otava hepifa omamona avo moivilo yavo, na vali omakwafa ovakulunhu kemahapu vali unene.

Itai shi popi ongomulundululi womhango nowomukalondjikilile yoshiwana, ahowe, ohai shi popi ongomukwafi woshiwana. Tu shi likwafeni oshinima eshi.

Simon Namunyekwa, Engela

Linda N. Kalipi, Elim, ota kundu aaleshi yOmukwetu ta ti: "Aagundjuka ooyakwetu otu lyeni tuu mondjila yelago nenge omundjoka yomupya? Kalunga komegulu tu mu ningeni Omukwaniilwa ngashi e li nale omukwaniilwa. Tu mu yambeleni omayambo goomwenyo dhetu, otatu ka nyanyukweni nyanyu lyaaluhe. Peweni Okrismesa ombwanawa nOmumvo Omupe gwelago neyambeko.



Aagundjuka yokEtunda otaa dhiginine pamwe naagundjuka ooyakwawo okuholoka kiigongi yawo oshiwike kehe. Unene taya laadhipala mokweeta sha moshigongi shaagundjuka ayehe yOngerki. Kolulyo lwawo omuwiliki gwawo tate Kakongo.

Omagongalo ga sindana mongerki ayihe

1. Ongwediva	R310.00	nongombe ya sindana nepandulo
2. Oshakati	309.50	” ” ”
3. Ohalushu	186.55	nongombe ” ” ”
4. Ongenga	172.00	” ” ”
5. Eheke	166.00	” ” ”
6. Onayena	163.00	” ” ”
7. Okahao	157.00	” ” ”
8. Engela	146.00	nongombe ” ” ”
9. Oshitayi	150.00	sha sindana
Onandjokwe	131.15	ya kondja
Olupandu	118.00	” ”
Oniimwandi	115.00	” ”
Edundja	114.00	” ”
Ondobe	114.00	” ”
Onheleiwa	112.00	” ”

Esindano paitayingerki

1. UUK WANYAMA	R1936.64
2. UUNINGININO	1374.42
3. ONDONGA	1025.84
4. OKAVANGO	118.64
5. YALWE KUMWE	499.79
6. ONGALOSHIGONGI	87.72
Iimaliwa yagongelwa kOngwediva	<u>R5043.05</u>

ETSEYITHO LYEHAMBELELO:

“Shaangoka te mu inekele ita sithwa ohoni”

Moshigongi shaagundjukangerki kOlukonda omumvo gwa yi, aanona mba yaELOK ya tokola etokolo lyopaitaalo opo ya tunge okangerki kOnankali mOndonga. Etokolo ndika lyopaitaalo olya ningwa, po kapu na nando osenda yimwe. Epangerongerki lyaELOK lya ziminine oyana etokolo lyawo. Moshigongi shomumvogu mOngwediva aagundjuka ya ulukilwa efano lyokangerki hoka taka tungwa mepyatumo kOnankali. Taka pula R3,300.00. Moshigongi shika aanona yaELOK ya kolekulula etokolo lyawo lyopaitaalo nando kapu na osenda nando yimwe. Kalunga kaanona mbaka yaELOK ngashi haa imbi “Kalunga ketu opo e li, kalunga ketu megulu mwi” okwa koleke einkele lyawo sho tatu tseyitha nehambelelo kutya iimaliwa yokutungitha okangulu okangerki kOnankali oya monika ayihe ngashi ya li ya fanekwa R3,300.00.

Ayehe mboka taye li inekele itaa sithwa ohoni. Emanya ndika olyo Kristus etegameno lyiigwana.

Pamwe nehambelelo lyetsakanitho ndika, otatu hambelelele wo sho moshigongi omumati omukwanyama, megongalo Ohalushu oye Eriksson Neshuku ngoka iigandja metumo. Omumati nguka oku li mostanda VI. Oye iigandja mwene keithanotumo onke itatu mu yalula mumwe niinima ya gongelwa kaantu, ye okwa ithanwa nokwa zimine a yeko. Tatu mu halele oonkondo a dhiginine shili omauvaneko ge omanene nomawanawa e ga ningi koshipala shaKalunga nomontaneho yaagundjukangerki. Na humbatwe momagalikano, pamwe nooyakwawo.

Oondjimbo nomahokololo

Kombinga yoondjimbo omagongalo taga landula ogo ga li ge vule omakwawo.

1	Nakayale	iitsa	9.0
2	Eenhana	”	8.5
	Nkurenkuru	”	8.5
	Engela	”	8.5
3	Oshitayi	”	8.0
	Othika	”	8.0
	Oniipa	”	8.0
	Oshakati	”	8.0
	Ondobe	”	8.0

Nando pwa tumbulwa omagongalo ngoka ga mono oonomeli oombwanawa, otatu ti nuumvo omagongalo ogendji nando inaga tumbulwa mpa-ka oye tu tungu noondjimbo nonomahokololo omawanawa taga uvithile omuntu sho ta tala ye ta pulakene. Osho ngaaka esimaneko olya Kalunga ketu ngoka e tu ningile ayihe omagano. Tse katu na po sha nando. “Iyaloo! Omuwa Jesus.”

Omukundanithi, K. Dumeni



MOhalushu ebandela lovanyasha okwa li la faduka po novakulupe, eshi ve li nyeka ko noimaliwa. Tala nhumbi tave lifele nalo. Ei oya li onghedi yokwoongelela ovanyasha oimaliwa.

O UNYUNI OTAU TONGO SHIKE

OFIKOLA YA DILADILWA

Omhumbwe yovalongi ovatilyaane okulonga meehotela oya talwa fiyo omediladilo olo kutya Ovawambo vahapu ove na okuka tekulilwa oilonga ei. Eshi otashi ka ningwa yo pamwe nomauteku makwawo ngashi o-momatungo ile mediinino louteku weefuka. Ediladilo eli ngenge la kufwa mo nawa, Ovawambo vahapu otava ka tambula oshisho shoilonga oyo ihapu tai longwa kovatilyaane nokeembasitela meehotela, yo noimaliwa otai ka kala i dule ondjabi yaavo hava longo paife inava mona ehongo.

Johannesburg

Suid-Afrika okwa taalelwa paife kelipulo linene nhumbi e na oku ka pita momido di li komesho omolwemona laye la shuna monima. Ominister yomaxupilo oshilongo, Dr. N. Diedericks okwa ti kutya, oshiponga eshi inashi hanga shito S.A. okudja kefimbo loita itivali younyuni. Okwa ti yo, shiimba oupyakadi ou inau dja ashike opo eshi oilonga ya fa itai monika nawa kuvahapu paife ndelenee naavo tave uya moshilongo pamwe ove na yo ouhefi washa mokulongifa omaliko avo, onghe okakomisi kokukonakona oshinima eshi okapumbiwa.

TE KI ILONGA KUAMERIKA

Epangelongerki olya utha omuputudhi gwaasita aavalelwamo muS.W.A. Rev. Abisai Shejavali e kiilonge omumvo gumwe netata kuAmerika, nopethimbo lyeilongo lye pwa u-thilwa Rev. Kristof Shuuja a kale omulongi mosikola yuusita, sigo Abisai ta galuka. Rev. Shejavali gwomimvo 36, a hokana noku na okanona 1, okwa longo mosikola yuusita mo-tjimbimbwe okuza 1967. Oye Omuwambo gwotango ngoka a pewa onkatu melongo lyuuteologi (M.A) muSoomi.

Kaapstad:

Louwitjie omukulukadi waDr. Chris Barnard, omuhakuli womitima, otaku hokololwa paife kutya ota ka hombolwa po vali komulumenhu umwe muFebuluali. Vo na mwene ove lihengele nale 1969. Inashi yela naana kutya otava ka hombola nalyelye, ndele nee shiimba onOmundowishi umwe ngo ngashi omatenge-neko taa ti. Louwtjie otaka dana yo efiku ledalo laye mohani tuu oyo ta ka hombolwa eti-13 Febuluali 1971.

New York:

MuAmerika ohamu nyongofolwa paife ehapu eli kutya Edward Kennedy, oye woku ka kondjela oupresidende nopresidende ei i li koshipundi paife Richard Nixon mehoololo tali ka shikula 1972. Edward omumwainna woo-Kennedy vavali va dipaelwe muAmerika ve li-shikula omido da dja ko. Omafiku hamale eshi Edward ou kwa li noihokolola vati okakadona kamwe, hamushanga waye womombelwa, ka fya oipundjamenye momulonga, nde Edward oye vati a li nako. Shiimba eshi itashi ke mwiimba a hoololwe, osheshi vahapu paife ove mu hala, osho Nixon mwene a tonga.

EKUNDO KAALESHI YOMUKWETU

Amuhe hamu lesa Omukwetu otandi mu kundu ngeyi; kutya inamu etha okupukululathana, unene ngashingeyi sho omulilo guulunde gu

GUINEA SHA MATUKILWA

Ovakwaita 36 ova dipawa muGuinea nava-hapu va kwatwa eshi kwa li tava hetekela ngeno okuteya po epangelo laGuinea. Otaku tengenekwa ovakwaita ve dule 200, Ovaputu, ovamatukila okalongo Guinea kouningini waAfrika. Omupresidende woshilongo Sekou Toure, okwa kuwa divadiva onguwo kuamushanga waV.V.O, ku mu dile epopilo, nde okangudu keameno kaV.V.O, ka tuma ashike ovalumenhu vatano okukonakona oshinima eshi.

Mokwaaluka kwavo va koleka kutya epangelo laPutu oli na ekonda moshinima eshi, nde ye Portugala oshinima eshi okwe shi likala filu. Ovatondi ovo kwa li va homata omatati, eesikepa, ve li mumwe ovatilyaane novalaule, ova hetekela lutano, nde va dopa. Guinea okwe likufa onyata ei nde te va tele kokule. Oshilongo eshi osha kala oshitulilwa shOvafransa shito, nde sha mangu-luka mo 1958.

Den Haag

Ehangano lomalweendo eedila mounyuni (ISLO) ola ongala moshongalele shalo shomafiku omulongo naane, opo li kundafane oshiponga sho sha holoka pefimbo lopaife shoku kakela eedila mombada, noku di fininika oko ovatondi voovene va hala. Oshongalele eshi osha ongalele muHolland. Otaku tiwa eedila 86 oda li da kwatwa kovatondi pamukalo ou moule weehani 9 omudo wa ya. Oshongalele eshi otashi kongo yo ondjila yehandulu lidjuu kwao te ke shi hetekela natango.

ES O

Omukulukadhi Petrina Nakale, a hulitha oondjenda dhe muuyuni mbuka eti-12. 8. 1970, a valwa momumvo 1930. Oye a kala omukriste omwiinelwa, omukuluntugongalo megongalo lyomOnaanda, a longo nuudhiginini, a pukulula aakwanegongalo aakwawo yopomukunda mpoka a li. A thigi po omusamanane naanona 6.

Tu ilongekidhileni etembu lyetu, oshoka katu shi wo uunake omuwa te ya.

Jafet Shuuja.

Natango oonkundathana dhokukonga ombili pokati kaIsrael naAayegipiti onkene nga dhi li metifa, ihe etegame-no lyombili yi adhike kali lwetike nando. Dr. Gunnar Jarring omutumwa gwii-gwana yahangana ngoka a longo pokati kalsrael naEgipiti okwa kundathana na-Golda Meir, ominister yotango ylsrael, ihe shono sha zi moonkundathana ina hala oku shi makuka. Golda okwa ti kutya Sadat omupresidente omupe gwa Egipiti nge ta tsikile olugodhi lwaNakusa Nasser, ote kiimona epumpo, oshoka omatati ngoka Israel a pewa omasiku ngaka kuAmerika ogothaathaa.

li po gwa tema tagu fike po oshigwana shAawambo. Aagundjuka nosho wo aanamagumbo oyendji ya thigi po omagumbo gawo. Kugeni onkugo kuKalunga, galikaneni omushiti, a dhime omulilo nguka. Kutheni Oombimbeli dheni ongomatati gomukriste.

Sebastian lilonga

E TU TETEKELA

Omusamane Festus lipumbu okwa mana oondjenda dhe eti-23.9.1970 moshipangelo mOshikuku. Okwa kala mombete yuuvu konyala oomwedhi mbali. Omusamane nguka okwa putudhwa kuhekulu Shigwedha shahango, mUukwambi. Okwa li iitula mo nokwiihepeka okukwatha oyana nokwa tsakanitha oompumbwe dhawo. Gumwe okwa pita nale moseminali, gumwe ota piti nuumvo, yaali oye li kOshigambo nokOngwediva. Okwa li iinelwa moshitayingengerki shUuninginino. Okwa laleke omukulukadhi gwe, nokugalikana, "Kalunga taamba omwenyo gwandje," nokwa yi ihe.

Omwana Marta lipumbu



Vatikan, Roma

Omupapa Paulus VI, okwa talela po konyala uuyuni auhe omumvo gwa zi ko sho eende momavi agehe gongonga yevi okutameka muAfrika, Amerika, Asia, Australia naEuropa. Molweendo lwe omupapa okwa uvitha omauvitho ge vule 50 pamwe niipopiwa yilwe. Mehistoli lyongerki ayihe kaku na omupapa a ningi olweendo lu thike mpoka. Omupapa Paulus okwi itala oye Omuyapostoli gwolweendo.



Golda Meir



Juuso Efraim

WIZENI MUYA PWIZUMU-KEPO TANKO

Momazuva ga 4-6 gaSeptemba 1970 imo omo ose natuvhenye omu mo-Kavango vana tu ninkire sigongi sovharongi vatumwa vetu.

Hewa, o, sigongi shiwa unene ka-pisi yimpempa sigongi siwa kapi twa si mona rumwe. Ono monosa apa twa huru, itetu vanatuninkire.

Muna wiza hena vakurona veku-to ava Eerw. E. Neromba, A. Lihongo, M. Seppälä E. Nghikembua na Mr. Eerw. H. Nampala ogo tatu diva nawa natuvhenye omu moKavango ketu na nturagumbo mutayi gomupe gokufumana Tate gekuto **Natanael Sirongo** ogo ana varekesa sigongi esi sositovara unene.

Waha divara siparatyango Matt. 4:4. Jepwizumuko. Tatu resa mo oso mukriste nkenye ta vhuru ku paruka koyininke yivali tupu.

Esi ga diva nomupagani **nondia** delike, nye ose vaktiste sopomuho-wo nani nonkango daKarunga. Tuna uyunga unene koyiha yerongo. Musita Elia Neromba ana tu likida nonkango daKarunga I Korinto. 3:8-9 omo tatu gwana sirugana sovarongi. Nani vharongi nawo kwa kara pepi naKarunga, sina tu hafesa unene. Ana tu rongo hena tu ruganene kumwe ose vaKavango nOvawambo. Ana uyunga varongi owo wOvawambo omu vana rugana omu mosirongo setu noudameki.

Murongi Lukás Amutenja ana tu pe magazaro gomanzi ogo aga pwizumukisa murongi. Ntene murongi tarugana irugana yendi nayinye ta hafa. Ntene vanona tava zerura nawa ntene kuvhulika nawa, kombinga sokufaula otate Seppälä vana tu sansekere atu uyungise vakurona wovanona, makura tava tu vaterere ndi tatu livaterere ipo vanona va-

Ondi shi shi kutya, ope na oyendji mboka taa si oluhodhi sho taa uvu ehiyo nenge e-tseyitho ndika, sho ethimbo olindji lya simana lya hepa nale. Oyendji mboka mwa piti omatrika nenge mu na onkatu yi thike lwaampoka, ngiika omwa kala nepulo enene kutya; Uunake ndi vule okuya kouniversiti?

Tala, haayehe taa mono ompito okuya kosikola yokombanda yo yene, pamwe omolwostipendi kayi po. Ope na elaka lyenyanyu mpa: Nyola nena noto tameke eilongo lyouye mbala ongomwiilongi gwopombanda. Ope-na ouniversiti ndjoka yi lile po mboka itaa vuvu okuya koouniversiti dhilwe, oyo: "University of South Afrika." pafupi UNISA.

Mosikola ndjika oyo ya simana muS.A. alihe mwaashoka tayi gandja, noya yalulwa lela muuyuni auhe, nohamu ilongo aalongwa wo yokuU.S.A, Australia nosho tuu, kuEuropa, pambapila (Korrespondensie). Oto vuvu okwiimonena onkatu yoye, digree nenge diploma, kakele ngiika muEducation, manga u li miilonga yoye.

Shoka wa pumbwa okuninga osho ashike okupula ooforma dhokwiinyolitha mo mbalambala, nosho oprespectus moka mu na eyelithilo lyiilongwa yoye. Einyolitho ndika ohali pula R10.00 ngele inape ya elunduluko sigo oompaka. Opo ihe konima oto ka tumailongwa yo yene mbyoka hayi pula R30.00 kehe shimwe. Oto vuvu okukutha iyali nenge itatu momumvo. Andola itatu, eyalulo otali kala ihe R100.00 komumvo.

Mokulongwa kwoye oto ka pulwa okunyola uukonakono mboka u na oku u nyola shili, opo u mone ompito oku ka nyola ekonakono lyokehulilo lyomumvo. Uukonakono mbuka ohau ithanwa assignments nenge werksopdragte, neyalulo kutya owa pita muwo noto vuvu ihe okupewa ompito. Ohali ningwa puJuni. Okakonakono nkaka ohaka tameke muFebuluali nenge mbala muMaalitsa.

Kambadhala ano okutameka petamekolela ngele tashi vulika. Ino sa uunye nge to u dopa petameko. Pula olwindji na monathana naailongi ooyakweni ngele otashi vulika. Pula kouniversiti moshinima shika, kutya oolye ye li mOwambo. Ilandela omambo gamwe ngoka ga pumbiwa, oshoka edhiladhilo enene olo okulesha mwene nokugandja shoka

ha kara ineya.

Ava vana tu sugura ko nye moku tu pwizumukisa iwo vakodi Mr Reino Vilho mutali gonondia Juf. Anniki Turtinen na nane Taimi Saari ogo nturagumbo gomisioni za-Mpungu.

Natuvhenye novageha novarongi ngatu li siliro simwe tupu. Nye nondia nyama noroso mema gomate-nda gwendi tatu siheteke nevhu lya "Kanaan" olo ali duka masini nomagadi gononyiki.

Onane Taimi na Anniki ava muna tu rongerere sipito esi nomusita gwetu N. Sirongo varongi natuvhenye tatu tanta asi; Iyaroo...

Kurupeni nomeho mazego ngatu mu takinine.

Awe tuna pwizumuka nawa.

Juuso Efraim
Mpunguvlei

shoye mwene.

Eilongo lyopauniversiti olo ekonakono lyopanavorsing, ha longo lyomulongi e ku li komeho, ihe eputudho lyomadhiladhilo ga manguluka. Onawa ano nge to lesa oshindji opo u kankame komukanka gwa kola gwomadhiladhilo ngoka to landula.

Onawa nge omwiilongi to kala nokaketha kopoosa, opo u mone oontumwafo dhoye mbala, nenge u longithe oprivaatsak, ngele ou li pomisioni nou na epitikilo.

MATRIKA

Einekelo lyetu olo ndika kutya kape na we ngo ta ti ke na ompito yokuhuma komeho meilongo konima yaSt. 10. Osho wo kutya Kalunga ngele e shi hala tatu ka mona aanankatu oyendji mbalambala mOwambo. Ando nokuli kehe gumwe e li lwo-pu St. 10, e li mOwambo, a longithe ompito ndjika. Naa mboka taa ke ya komeho. Omeya ga gwayele monduda.

Kwaamboka ye na ehala okuuya kokana, naa tsakanene naMr. Ruben Shangula, Eti-lyasa, Matti Amadhila Okahao, nenge Obed Emvula, Ogongo. Opwa fa pu na ompito tu yambuleni po oshigwana shetu, aaluudhe ooyakwetu yalwe oya ya kokule.

Nyola to pula inskrywing ko Die registrateur, The Registrar, Unisa, Unisa, Posbus 392, Pretoria Posbus 392, Pretoria Oshivanawa ihashi zi pokapala ka yela.

Omumwanyoko,
Obed T. Emvula

Aafuko Monika Filippus naGottlieb Many, otaa pandula Kalunga sho ya dhana oshituthihango shawo eti-5.7.1970 muElim taa ti:

"Otatu pandula mboka mwi ile po, tu dhaneni oshituthi shetu. Otatu pandula wo mboka mwa li mwa hala okuya ihe inamu mona ompito yokuthika, ihe mwe tu humbata momagalikano. Tatu pandula natango Kalunga ngoka e tu humbata muugundjuka wetu auhe."

ONE AALESHI AMUHE KALUNGA NE MU YAMBEKELE OMUMVO OMUPE!

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Ovambokavangokerk
Oha zi mOniipa,
Omukuluntu gwoshifo/Hoofredakteur Omubisofi Dr. Leonard Auala,
Amushanga/redakteur Sebulon Ekandjo
Ondando komumvo mOwambo 70c kUushimba noKavango 90c
Kombanda yomafuta R1. 30.
Oondando nomambestelo naga tumwe kOmukwetu,
Oniipa, P/B. 2015, Ondangwa, S. W. A.
Oshinyolwa shuule
wondeimi 1 otashi futilwa R1.00
oondeimi 2 -"- -"- R1.90
oondeimi 3 -"- -"- R2.70
oondeimi 4 -"- -"- R3.40
oondeimi 5 -"- -"- R5.00
Oto vuvu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015, Ondangwa, S. W. A.